

《佛說無量壽經》補充講表

◎附表二十六：以下糅合《佛說無量壽經甄解》

○此人臨終，夢見彼佛，亦得往生。

◆夢見彼佛：唐譯說：如在「夢中」。略箋云：「前即明瞭見佛，今既不爾，此人機劣故，

雖有迎接，見佛不分明，如夢中所見之物，故云：夢中。例如云：見金蓮猶如日輪。」

◆雖下輩非無來迎，而機劣故，見不分明，朦朧如夢中所見，故云：「夢見彼佛」。

○慧日朗世間，消除生死雲，
《妙法蓮華經》·觀世音菩薩普門品云：「

眾生被困厄，無量苦逼身；觀音妙智力，能救世間苦。具足神通力，廣修智方便；十方諸國土，無刹不現身。種種諸惡趣，地獄鬼畜生；生老病死苦，以漸悉令滅。」

○應時無量尊，動容發欣笑，口出無數光，遍照十方國。

※《大智度論》云：「諸佛法欲與眾生授記，先皆微笑，無量種光，從四牙中出，所謂青黃

赤白綠紫等。」

○辛二、得益——益有五種：

◆第一得神通益（至彼二句），第二得授記益（必於二句），第三得不退益（其佛一偈）。

第四起願益（菩薩興至願一偈），第五供佛起行益（奉事一偈）。

○若人無善心，不得聞此經，清淨有戒者，乃獲聞正法。

※漢譯云：「非有是功德人，不得聞是經名，唯有清淨戒者，乃逮聞此正法。」

○憍慢弊懈怠，難以信此法，宿世見諸佛，樂聽如是教。

憍：《成唯識論》卷六云：「云何為憍？於自盛事，深生染著，醉傲為性。能障不憍，染

依為業。」

慢：《大乘百法明門論》直解云：「慢者，恃己所長，於他有情，心生高舉為性。能障不

慢，生苦為業。」 ◆弊：陋劣無知。

◆懈怠：《成唯識論》卷六云：「云何懈怠？於善惡品，修斷事中，懶惰為性；能障精進，增染為業。」

○聞法能不忘，見敬得大慶，則我善親友，是故當發意。

◆見佛恭敬慶喜，獲信之相也。聞法，憶持不忘，是意業；見佛恭敬，是身業；得大慶者，慶喜「所聞」，而能夠口稱「所聞名號」；三業相續者，獲信之「相」，乃為我善親友。

◆發意者，「大菩提心」也，「真實信心」即是「大菩提心」。大菩提心，即是「願作佛心，即是「度眾生心」，此心即「大慶喜心」也。

○設滿世界火，必過要聞法，會當成佛道，廣濟生死流。（請參考103頁）

※《思益梵天所問經》卷四云：「若無量世界，大火悉充滿，要當從中過往，往聽如是經，能開佛道經，若欲得聞者，積寶如須彌，盡應供是人。」

○佛告阿難：彼國菩薩，皆當究竟一生補處，除其本願，為眾生故，：普欲度脫一切眾生。

※唐譯云：「復次，阿難！極樂世界所有菩薩，於無上菩提，皆悉安住一生補處，唯除大

願，能師子吼，擻（音換，穿也）大甲冑，摩訶薩眾，為度群生，修大涅槃者。」

○其鈍根者，成就二忍。其利根者，得不可計無生法忍。

◆其鈍根者，成就二忍，謂音響忍及柔順忍。

◆其利根者，得不可計無生法忍：

一、（宋譯）經云：「深入法門，得無生忍。」

謂智慧深入不可計諸法，於一一法，證得無生理。故云：「不可計無生忍。」

二、不可計者，彰能證人多。

○除生他方，五濁惡世，示現同彼，如我國也。

◆謂應現五濁剎，同彼濁惡眾生，現生老病死之相，如釋迦牟尼佛，應現此娑婆國也。